

Boitshoko Ntshabele 25 April 2025

"Your legacy is being written by yourself. Make the right decisions." —Gary Vaynerchuk

DATA-GEDREWE BESLUITNEMING ONONTBEERLIK VIR GROEI

Die 2025-sitrus-uitvoerseisoen het in alle erns begin en produsente oes en pak hul vrugte, en houters vol suurlemoene, lemoene, pomelo's en mandaryne word na hawens vervoer en na meer as 100 wêreldbestemmings verskeep. Ten einde dit alles te ondersteun, is 'n minder sigbare opsporingsnetwerk van inligting wat belanghebbendes in staat stel om ingeligte besluite te neem. CGA se sitrusprodusente funksioneer binne 'n vinnig bewegende en ingewikkelde uitvoerhandel-omgewing. Met wêreldhandel wat ongekende onstabieleit ervaar, het dit selfs belangriker geword vir produsente om ingelig te bly en die feite byderhand te hê. Hoe fyner die besonderhede van jou inligting is, hoe beter is jou besluitneming!

Hierdie syfers is nie net koue, harde data nie – dit gaan direk oor in werksgeleenthede en die lewensbestaan wat baie landelike gemeenskappe ondersteun. As 'n algemene reël skep elke bykomende 10 miljoen kartonne sitrus wat Suid-Afrika uitvoer, byna 10 000 werksgeleenthede.

Live Dashboards: Een van die dienste wat deur die CGA aan sy lede verskaf word, is 'n *live statistics dashboard* wat die sitrus-uitvoerseisoen in volle detail en byna in "real-time" dophou. Die *dashboard* stelsel bied 'n insiggewende voorbeeld van hoe produsente op hoogte kan bly en ingeligte besluite kan neem. Dit word op die CGA se webwerf aangebied en bied 'n oorsig van hoe die sitrusseisoen daaglik verloop. Data word verkry vanaf bedryfsverenigings, staatsdepartemente of -instellings, internasionale datagroepe, of direk deur die CGA en sy filiale. Die uitdaging lê daarin om te verseker dat inligting nie net beskikbaar is nie, maar ook verstaanbaar is vir alle produsente. Bedryfsverenigings, regeringsagentskappe en navorsingsinstellings speel 'n deurslaggewende rol in die insameling, ontleding en verspreiding van relevante data op 'n tydige en gebruikersvriendelike wyse. 'n Voorbeeld, soos die seisoen toeneem: tussen 14 en 20 April is net meer as 2,5 miljoen kartonne sitrus vir uitvoer gepak.

Boomsensus: CGA se boomsensusdata volg die aantal bome wat geplant is en word jaarliks bygewerk om boomvariëteite, ouderdomme en hektaar onder verbouing volgens groeigebied in te sluit. Dit is van onskatbare waarde vir langtermynbeplanning. Meer onmiddellike syfers is ingesluit in die CGA se *live dashboard*. Weeklikse verpakking volgens streek en variëteite kan opgespoor word. Deur die "count group" (die aantal vrugte wat in 'n enkele karton gepak is) na te spoor, kry gebruikers 'n akkurate weerspieëling van die grootte verspreiding van die vrugte vir die seisoen - tot op die variëteitsgroeplak. Aangesien verskillende markte verskillende grootte voorkeure het, help hierdie inligting om te verseker dat alle markte op 'n gebalanseerde wyse gediens word. 'n Produsent kan ook die verskeping van uitvoere vanaf spesifieke hawens naspoor – tot by kartonne wat per skip en bestemming verskeep word. Voorraadvlakke kan ook gemonitor word. As 'n voorbeeld, "depot stock by trade destination by dwell time" is net een manier waarop die data voorgestel word. Alle inligting is in 'n saamgevoegde formaat, om absolute anonimiteit van individuele produsente- of uitvoerdersposisies te verseker.

Die toekoms van die sitrusbedryf hang af van sy vermoë om aan te pas en te innoveer. Om bedryfstatistieke te omhels is nie 'n antwoord op elke probleem nie, maar dit is 'n onontbeerlike hulpmiddel vir enige produsent wat na langtermyn winsgewendheid streef.

Vanaf volgende week deel ons die weeklikse uitvoervolumes per variëteit in die gebruiklike tabel onderaan hierdie nuusbrief. Ons hoop om 'n voorspoedige seisoen vir al ons produsente te volg.